

فيديو | “أنقذوا ابني”: أم من المنيا تستغيث بعد تلفيق قضية لابنها لرفضه أن يكون مرشدًا



الاثنين 23 فبراير 2026 11:00 م

تقدمت أسرة الشاب كريم محمد راشد إسماعيل، 31 عامًا، من مدينة مطاى – قرية كوم والي بمحافظة المنيا، باستغاثة عاجلة بعد احتجازه بمركز شرطة مطاى منذ 13 يناير الماضي على ذمة قضية مخدرات وحيازة سلاح دون ترخيص، والتي تؤكد الأسرة أنها ملفقة نتيجة رفض كريم الانخراط في أعمال غير قانونية تحت ضغط ضباط المركز

وفي استغايتها المصورة، قالت الأم: “أنا أم مصرية، ست فلاحه من مطاى المنيا من يوم 13 يناير وإحنا عايشين في قهر وكسر قلب لابني كريم مالوش ذنب غير إنه، خدته النخوة يدافع عن عمه في خناقة قديمة، واتحكم عليه بـ 5 سنين وصرنا وقلنا ضريبة إنه دافع عن عمه ولما خرج، كان نفسه يعوضنا عن اللي فات، ويمشي دغري ويراعي شيبتي وشيبة أبوه الرجل العجوز”.

وتابعت الأم: “لكن ابني اتطلب منه يبيع ضميره ويشغل مرشد وولما رفض وقال لـ، عشان يفضل راجل وما يخونش الأمانة اللي ربيته عليها، انقلبت حياتنا جحيم، هددوه إنهم هيلبسوله قضايا، وفعلًا نفذوا تهديدهم ولقوا له قضية مخدرات وسلاح مالوش فيها يد، وخدوه من وسطنا ظلم، وفتشوا بيتنا 5 أدوار وما لقوش قشة تدينه ومع ذلك خدوه”.

وتؤكد الأم أن الأسرة تعرضت لانتهاكات مهينة داخل قسم الشرطة، قائلة: “إحنا أسرة كاملة اتهاننت شوفنا اللي ما يتوصفش، بعد ما كريم اتاخذ، استدرجوا بناتي الغلابة وأبوهم الرجل اللي عنده 70 سنة، وقال لهم ضابط من المركز: تعالوا كريم عايز يشوفكم، وبدل ما يحموهم، بناتي انضربوا قدام عين أبوهم اللي قعد يبكي زي الطفل وهو عاجز يحمي عرضه خرجوا مكسورين ومذلولين”.

وتضيف: “كل ده عشان ياخدوا تليفون ابني اللي عليه دليل براءته ويمسحوه، ووصل بيهم الأمر إنهم دخلوا له في الحبس الانفرادي، وضربوه ضرب مهين وتصرفات لا يرضاها دين ولا قانون، عشان يكسروا نفسه ويقول كلمة السر بتاعة تليفونه ويمسحوا التسجيلات اللي تثبت إنه بريء”

وتواصل الأم استغايتها: إحنا ابننا بتهان في القسم، وأنا وبناتي وجوزي بيتقال لنا: لو ما مسحتوش التسجيلات اللي معاكم، هنعمل فيكم زي ما عملنا في ابنكم، وهنكرر اللي حصل للبنات ابني يموت في الحبس من القهر والظلم بيدفع تمن كرامته وتمن إنه رفض يمشي في الحرام ويشغل مرشد

وتؤكد الأسرة، من شهادات وفيديوهات وكاميرات مراقبة، أن القضية الموجهة لكريم “ملفقة بالكامل”، وأن ضباط مركز الشرطة استخدموا القوة والتهديد والتنكيل لأجل كسر إرادته، مما يشكل انتهاكًا صارخًا للحقوق الأساسية للأسرة

شياطين الجن تصفد في #رمضان لكن شياطين الداخلية لا يوقفهم رمضان ولا يعطاهم شهر حرام عن أذية الناس هذه صرخة أم من مطاى لفقوا لابنها كريم محمد راشد إسماعيل، 31 عامًا، قضية اتجار بالمخدرات وحيازة سلاح بدون ترخيص لأنه رفض أن يكون مرشد للمباحث ثم استدرجوا اخواته البنات وأبوه، بحجة... pic.twitter.com/2lit0FACPs

— المجلس الثوري المصري (@ERC_egy) February 22, 2026